

~**krusto** ✱. Solidiginta supera parto de la ~globo, ĉirkaŭanta la centran varmegan kernon. ~**kulturo** ^z. Agrikulturo. ~**laboristo** ^z. Salajrulo, kiu prilaboras la ~on. ~**lango** ^z (Ge). Longa, mallarĝa strio de ~o, kiu etendiĝas en maro aŭ lago. ~**mezuri** ^z. Δ Mezuri la surfacon de agro, arbaro, herbejo ktp. Kp KATASTRO. ~**nukso** ✱. Specio de arakido, kies frukto estas manĝebla, k liveras oleon k specon de butero. ~**parto** ^z. Kontinento. ~**peco** ^z. Pli-malpli granda peco de ~o : *ĉi tie* (en Grekujo) *ĉiu* ~**peco** estas historia ^z; *sur la sama* ~**peco** oni konstruis belan domon ^z. ~**poto**. Poto el bakita argilo. ~**skuo** ✱. Ĉiu el la pli-malpli fortaj sismaj movoj en ~remo. ~**tremo** ^z. ✱ Grava movo de la ~krusto, ordinare okaziganta domfalojn ktp. ~**zono** (Ge). Ĉiu el la kvin grandaj dividoj de la ~globo, inter la tropikoj k la poluso : *varmega, mezvarma, glacia* ~**zono**.

terakoto. 1 ✱. Ferhava argilo, kiun oni modlas aŭ muldas k poste bakas sen glazuro. 2 ♣. Ornamento aŭ statueto el tiu materialo.

termika □. 1 Rilata al la varmo. 2 Funkciaĵo per varmo : *~a motoro*.

termodinamiko □. Tiu parto de fiziko (k de fizika kemio), kiu studas la rilatojn inter fenomenoj termikaj k aliecaj (speciale ankaŭ mekanikaj).

termoso. Varmizola botelo, kun duoblaj vandoj, inter kiuj oni faris vakuon.

termostato ☼. Aŭtomato, kiu tenas la temperaturon konstanta en difinita sistemo : *~o de centra hejlado, de elektra bakujo*.

timbalo. 1 ♪ Speco de tamburo, kun latuna duonsfera resonujo. 2 (Ku) Pasta krusto de analoga formo, entenanta kuiritajn.

timida ☹. Modeste senaplomba k kaŝiĝema; nememfida en societo; mal-aŭdaca antaŭ publiko.

* **Timono** ALD ~eto. Ĉiu el la analogaj stangoj, per kiuj oni movas puŝaron, ĉarumon, jinrikŝon ktp. ~**paro**. Paro da tiaj stangoj, inter kiuj estas jungita unuope tirbesto.

tinuso ♥. Sendukta glando, situanta

ĉe la bazo de la kolo, malantaŭ la sternum : *ĉe la homo, la ~o malaperas ĉe la seksmaturiĝo*; *bovida ~o kun pizoj*.

tino ANST 1 Portebla, senkovrila kuvo el ligno, en formo de duonbarelo... 2 (Ev.) Tinuso.

tinuso ☼. Grandega fiŝo el la ordo de akantopterikoj, fam. de skombredoj, tri-kvar metrojn longa (*Orcynus thynnus*).

tiraljoro ^z ♣. Izola palisto en armeo : *~e malvolvi* (aranĝi trupon tiel, ke ĉiuj soldatoj estas malproksimaj unu de la aliaj).

tiroido ♥. Sendukta glando, situanta ĉe k antaŭ la laringo, k efikanta sur la bazan metabolon k la kreskadon; ĝia tumor produktas la strumon.

titro. 1 ✱. Proporcio de la kvanto de multekosta metalo al la tuta pezo de la alojo. 2 ☹ Nombro indikanta la koncentritecon de likvo. ~1(tr) Determini la ~on : *oni ~as acidon per tesivo*; *~ila solvaĵo* (kies kombino estas precize konata).

* **Tiu** ALD RIM. Konsilinde estas uzi la montran pronomon anstataŭ la persona, kiam la reprezentanto ne estas la subjekto de la antaŭa propozicio : *Jakob alproksimiĝis al Isaak, k ~ (= Isaak) lin palpis* ^z; *li rakontis al sia edzino pri la maljuna viro k pri la stana soldato, kiun li sendis al ~* ^z (= la viro).

tobogano. 1 Longa mallarĝa sledo, uzata por malsuprenĝliti, precipe sur nego aŭ glacio. 2 Ludo, konsistanta el longa deglito el ligno, rekta aŭ spirala, laŭ kiu oni lasas sin rapide ĝliti. 3 Analoga aparato por la manipulo de pakajoj, varoj ktp.

tokso ☼. Scienca nomo de ĉiaj venenaj substancoj. ~a 1 Apartenanta al la ~oj : *~a sekrecio*. 2 Rilata al ~ado : *~a efiko de albuminoido*. ~1 (tr). Sorbigi ~on al histoj : *homo ~ila de fungoj, de alkoholo*. ~ado. Ago ~i : *akuta, kronika* ~ado. ~eco. Grado de ~opovo de substanco. ~iĝi. Sorbi ~on (p.p. histoj) : *la plumba ~iĝo estas unu el la plej gravaj metiaj riskoj*; *mem-~iĝo pro nefunkciado de la renoj*. ~iĝemulo. Malsanulo, kiu daŭre ~as sin per nervekscitaj ~oj, morfino, opio ks.